



სსიპ საქართველოს ადვოკატთა ასოციაციის

აღმასრულებელი საბჭოს

სხდომის ოქმი

თარიღი: 06 მარტი, 2024

სსიპ საქართველოს ადვოკატთა ასოციაცია

მისამართი: დისტანციურად, Zoom პლატფორმის გამოყენებით

სხდომის დაწყების დრო: 19:00

სხდომაში მონაწილე აღმასრულებელი საბჭოს წევრები: დავით ასათიანი (თავმჯდომარე), თორნიკე ბაქრაძე, როინ მიგრიაული, ნათია კორკოტაძე, ციციხო ცხვედიანი, მარიამ კუბლაშვილი, დიანა გვიშიანი.

საკითხი 1. ასოციაციაში ხელახალი გაწევრიანება.

წევრები გაეცნენ:

დავით ჯღამაძის, ნოდარ მელაშვილის, ნანა კერვალიშვილის, თეა ღვინჯილიას, თეა მანიჭაშვილის, მარეხი დუნდუას და ალექსანდრე შოთაძის განცხადებებს ასოციაციაში ხელახალი გაწევრიანების თაობაზე.

წევრებს მიეწოდათ ინფორმაცია, რომ აღნიშნული პირების მიერ წარმოდგენილ განცხადებებს თან ერთვის ყველა საჭირო დოკუმენტი და შესაბამისობაშია „ადვოკატთა შესახებ“ საქართველოს კანონის მე-10 მუხლის მოთხოვნებთან.

აღნიშნულ საკითხზე ერთხმად იქნა მიღებული გადაწყვეტილება: „ადვოკატთა შესახებ“ საქართველოს კანონის მე-10 მუხლის თანახმად, დაკმაყოფილდეს დავით ჯღამაძის, ნოდარ

მელაშვილის, ნანა კერვალიშვილის, თეა ღვინჯილიას, თეა მანიჟაშვილის, მარეხი დუნდუას და ალექსანდრე შოთაძის მიერ წარმოდგენილი განცხადებები ასოციაციაში ხელახლა გაწევრიანების თაობაზე.

საკითხი 2. წევრობის შეჩერების შესახებ განცხადების განხილვა.

წევრები გაეცნენ **2024 წლის საწევრო დავალიანების მქონე წევრების** - დავით კლდიაშვილის, ხატია უბირიას და თინათინ მეგრელაძის განცხადებებს “ადვოკატთა შესახებ” საქართველოს კანონის 21² მუხლის, პირველი პუნქტის, „ა“ ქვეპუნქტის თანახმად წევრობის შეჩერების შესახებ.

წევრებმა განაცხადეს, რომ ჩამოთვლილ პირთაგან, რომელთაც ასოციაციის წესდების 29-ე მუხლის, 29.3 პუნქტის თანახმად, 2024 წლის საწევრო აქვთ გადასახდელი, ეცნობოთ, რომ “ადვოკატთა შესახებ” საქართველოს კანონის 21² მუხლის, პირველი პუნქტის, „ა“ ქვეპუნქტის თანახმად, აღმასრულებელი საბჭო ვალდებულია მიიღოს გადაწყვეტილება ადვოკატისთვის წევრობის შეჩერების შესახებ. თუმცა წევრობის შეჩერება მანამდე არსებული დავალიანების გაუქმების საფუძველი არ არის და ამავ კანონის 21³ მუხლის პირველი პუნქტის, “ზ” ქვეპუნქტის თანახმად, საწევრო გადასახადის გადაუხდელობის შემთხვევაში, პირს შეუწყდება ასოციაციის წევრობა. გარდა ამისა, აღნიშნულ საკითხთან დაკავშირებით, არსებობს 2012 წლის 30 მაისის ადვოკატთა ასოციაციის აღმასრულებელი საბჭოს გადაწყვეტილება, რომლის თანახმად: “საწევრო დავალიანების მქონე პირს, რომელიც მომართავს ასოციაციას პირადი განცხადებით, წევრობის შეჩერების შესახებ, „ადვოკატთა შესახებ“ საქართველოს კანონის, 21² მუხლის, 1-ლი პუნქტის (ადვოკატს ადვოკატთა ასოციაციის წევრობა შეუჩერდება ამ კანონის 21³ მუხლის მე-2 პუნქტით დადგენილი წესით, ასოციაციის აღმასრულებელი საბჭოს გადაწყვეტილებით), „ა“ ქვეპუნქტის (პირადი განცხადების საფუძველზე) თანახმად, დაუკმაყოფილდეს განცხადება წევრობის შეჩერების შესახებ; თუმცა წევრობის შეჩერება არ გახდება უკვე არსებული საწევრო დავალიანებისგან გათავისუფლების საფუძველი, რომლის გადახდის ვალდებულება პირს წევრობის შეჩერებამდე, ადვოკატთა ასოციაციის წესდების 29-ე მუხლის, 29.3 პუნქტის (ყოველი მომდევნო წლის საწევრო შენატანის გადახდა ხდება ყოველწლიურად, მიმდინარე წლის 31 დეკემბრამდე) თანახმად წარმოეშვა. საწევრო დავალიანების გადაუხდელობის შემთხვევაში, უფლებამოსილება შეჩერებულ ადვოკატს, “ადვოკატთა შესახებ” საქართველოს კანონის, 21³ მუხლის, პირველი პუნქტის (ადვოკატს ადვოკატთა ასოციაციის წევრობა შეუწყდება), „ზ“ ქვეპუნქტის (თუ არ იხდის საწევრო გადასახადს) თანახმად, შეუწყდება ასოციაციის წევრობა“.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: “ადვოკატთა შესახებ” საქართველოს კანონის, 21² მუხლის, 1-ლი პუნქტის, „ა“ ქვეპუნქტის თანახმად, დაკმაყოფილდეს 2024 წლის საწევრო დავალიანების მქონე წევრების - დავით კლდიაშვილის, ხატია უბირიას და თინათინ მეგრელაძის განცხადებები წევრობის შეჩერების შესახებ. ამასთან, 2024 წლის საწევრო დავალიანების მქონე პირებს ეცნობოთ ინფორმაცია მათ მიმართ არსებული საწევრო დავალიანების და 2012 წლის 30 მაისის აღმასრულებელი საბჭოს გადაწყვეტილების შესახებ, აგრეთვე ეცნობოთ იმის შესახებ, რომ დავალიანების გადაუხდელობის შემთხვევაში მათ შეუწყდებათ ასოციაციის წევრობა.

საკითხი 3. 2024 წლის საწევრო დავალიანების მქონე წევრთა მიმართ ინდივიდუალური ადმინისტრაციულ-სამართლებრივი აქტის გამოცემის თაობაზე საკითხის განხილვა.

წევრებმა მოისმინეს ინფორმაცია, რომ 2023 წლის 06 მარტის მდგომარეობით, ასოციაციის 780 წევრს უფიქსირდება 2024 წლის საწევრო დავალიანება. თავმჯდომარემ განაცხადა, რომ რადგან ასოციაციის თვითმიზანი არ არის წევრთა უფლებამოსილების შეწყვეტა და ამავდროულად, წარმოდგენილია განცხადებები საწევროს გადავადების თაობაზე, მიზანშეწონილია, კოლეგებს მიეცეთ შესაძლებლობა ადმინისტრაციული წარმოების ვადის გაგრძელებით დაფარონ საწევრო დავალიანება. თავმჯდომარემ წევრებს შესთავაზა საქართველოს ადმინისტრაციული კოდექსის მე-100 მუხლის თანახმად, საწევრო დავალიანების დაფარვის ვადის გაგრძელება დამატებით 15 კალენდარული დღით - 2024 წლის 21 მარტამდე.

ღია კენჭისყრაზე დადგა საკითხი 2024 წლის 06 თებერვალს აღმასრულებელი საბჭოს მიერ მიღებული გადაწყვეტილების თანახმად, დაწყებული ადმინისტრაციული წარმოებით დადგენილი ინდივიდუალური ადმინისტრაციულ - სამართლებრივი აქტის გამოცემის და შესაბამისად, საწევრო დავალიანების დაფარვის ვადის 15 კალენდარული დღით, ანუ 2024 წლის 21 მარტამდე გაგრძელების თაობაზე.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: 2024 წლის 06 თებერვლის აღმასრულებელი საბჭოს გადაწყვეტილების თანახმად, დაწყებული ადმინისტრაციული წარმოებით დადგენილი ინდივიდუალური ადმინისტრაციულ-სამართლებრივი აქტის გამოცემის და შესაბამისად, საწევრო დავალიანების დაფარვის ვადა გაგრძელდეს 15 კალენდარული დღით და ინდივიდუალური ადმინისტრაციულ - სამართლებრივი აქტის გამოცემის ვადად განისაზღვროს 2024 წლის 21 მარტი.

საკითხი 4. 2024 წლის საწევრო დავალიანების გადავადების შესახებ განცხადებების განხილვა.

წევრები გაეცნენ საწევრო დავალიანების გადავადების შესახებ განცხადებებს. თავმჯდომარემ წევრებს შესთავაზა, რომ წარმოდგენილი განცხადებების განხილვა გადაიდოს და განხილულ იქნეს ადმინისტრაციული წარმოების მიმდინარეობისას.

აღნიშნულ საკითხზე ღია კენჭისყრის შედეგად, ერთხმად, იქნა მიღებული გადაწყვეტილება: საწევრო დავალიანების გადავადების შესახებ განცხადებების განხილვა გადაიდოს იმ სხდომაზე, სადაც განხილულ იქნება ადმინისტრაციული წარმოება და განისაზღვრება შესაბამისი გადახდის ვადები.

საკითხი 5. ადვოკატთა ასოციაციის პროფესიული ადაპტაციის პროგრამის მე-11 ნაკადის მონაწილეთა სიის დამტკიცება.

წევრებს მიეწოდათ ინფორმაცია, რომ 2024 წლის 29 იანვრიდან - 22 თებერვლამდე მიმდინარეობდა პროფესიული ადაპტაციის პროგრამაზე მსურველთა რეგისტრაცია. ჯამში დარეგისტრირდა 191 მონაწილე, რომლებიც აკმაყოფილებენ პროფესიული ადაპტაციის პროგრამის დებულებით დადგენილ მოთხოვნებს.

წევრებმა განაცხადეს, რომ პროფესიული ადაპტაციის პროგრამის მე-5 მუხლის, 5.8 პუნქტის თანახმად, განმცხადებელთა სიას ამტკიცებს აღმასრულებელი საბჭო.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: დამტკიცდეს ადვოკატთა ასოციაციის პროფესიული ადაპტაციის პროგრამის მონაწილეთა სია სხდომაზე წარმოდგენილი სახით და მათ მიენიჭოთ პროგრამის მონაწილის სტატუსი (დანართი N 1).

საკითხი 6. შპს სქილკრაფტის ინსტიტუციური აკრედიტაციის შესახებ განაცხადის განხილვა.

წევრები გაეცნენ შპს სქილკრაფტის ინსტიტუციური აკრედიტაციის განცხადებას.

მათ მიეწოდათ ინფორმაცია, რომ განმცხადებელს წარმოდგენილი აქვს საჭირო დოკუმენტაცია და აკმაყოფილებს აკრედიტაციის წესებით დადგენილ მოთხოვნებს.

აღნიშნულ საკითხზე მსჯელობის შემდეგ, ერთხმად, მიღებულ იქნა გადაწყვეტილება:

(1) დაკმაყოფილდეს შპს სქილკრაფტის განცხადება ინსტიტუციური აკრედიტაციის მინიჭების შესახებ.

(2) გადაწყვეტილების ასახვა დაევალოს სასწავლო ცენტრის დირექტორს.

(3) გადაწყვეტილების შესახებ ეცნობოს განმცხადებელს.

საკითხი 7. საქართველოს ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელი ადვოკატების დამტკიცება.

წევრები გაეცნენ მარიამ ქებაძის, ცირა ჯგერენაიას, გრიგოლ სიდამონიძის და შალვა გიორგაძის განცხადებებს, ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელ ადვოკატებად დამტკიცების შესახებ.

წევრებს მიეწოდათ ინფორმაცია, რომ განმცხადებლები აკმაყოფილებენ პროფესიული ადაპტაციის პროგრამის დებულების 10.1 და 10.2 პუნქტებით დადგენილ მოთხოვნებს.

აღნიშნულ საკითხზე ერთხმად იქნა მიღებული გადაწყვეტილება:

(ა) დამტკიცდეს ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელ ადვოკატებად მარიამ ქებაძის, ცირა ჯგერენაიას, გრიგოლ სიდამონიძის და შალვა გიორგაძის კანდიდატურები.

(ბ) გადაწყვეტილების ასახვა სტაჟირების ხელმძღვანელ ადვოკატთა რეესტრში დაევალოს სასწავლო ცენტრის დირექტორს.

საკითხი 8. სხვადასხვა.

წევრები გაეცნენ:

(ა) თენგიზ ეხვიას წევრობის აღდგენის შესახებ განცხადების განხილვა.

წევრებ მიეწოდათ ინფორმაცია, რომ განმცხადებელს წევრობა ჰქონდა შეწყვეტილი საწევრო დავალიანების გამო 2019 წლის 02 ივლისის გადაწყვეტილებით, დავალიანებით 600 (ექვსასი) ლარის ოდენობით.

წევრებს ასევე მიეწოდათ ინფორმაცია, რომ განმცხადებელს გადახდილი ჰქონდა საწევრო დავალიანების ნაწილი 200 (ორასი) ლარის ოდენობით და საბჭოს მომართავდა თხოვნით აღდგენოდა უფლებამოსილება და გათავისუფლებულიყო დარჩენილი საწევრო დავალიანების გადახდისგან.

წევრებმა განაცხადეს, რომ სამართლებრივი საფუძვლის არარსებობის გამო, აღმასრულებელი საბჭო მოკლებულია შესაძლებლობას, იმსჯელოს თენგიზ ეხვიას განცხადებაში

მითითებული მოთხოვნის - საწევრო დავალიანების გადახდისაგან გათავისუფლების თაობაზე.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: სამართლებრივი საფუძვლის არარსებობის გამო, არ დაკმაყოფილდეს თენგიზ ეხვასიას განცხადება.

(ბ) ადვოკატ ია სირანაშვილის განცხადების განხილვა.

წევრები გაეცნენ ია სირანაშვილის განცხადებას. თავმჯდომარემ წევრებს შესთავაზა, რომ განმცხადებელი მოწვეულ იქნას აღმასრულებელი საბჭოს შემდგომ სხდომაზე, სადაც განხილულ იქნება განმცხადებლის მიერ წარმოდგენილი განცხადება.

აღნიშნულ საკითხზე ღია კენჭისყრის შედეგად, 6 მომხრე (დავით ასათიანი (თავმჯდომარე), როინ მიგრიაული, ნათია კორკოტაძე, ციციხო ცხვედიანი, მარიამ კუბლაშვილი, დიანა გვიშიანი) და 1 წინააღმდეგი (თორნიკე ბაქრაძე), მიღებულ იქნა გადაწყვეტილება: ია სირანაშვილი მოწვეულ იქნას აღმასრულებელი საბჭოს შემდგომ სხდომაზე.

(გ) ადაპტაციის პროგრამის მონაწილის გურანდა მიქელაძის განცხადების განხილვა.

წევრები გაეცნენ პროფესიული ადაპტაციის პროგრამის მონაწილის გურანდა მიქელაძის განცხადებას. განმცხადებლის განმარტებით იგი ვერ ახერხებს პროფესიული ადაპტაციის პროგრამის დარჩენილი საფასურის გადახდა თეორიული კურსის დასრულებამდე. შესაბამისად, საბჭოს მომართავდა თხოვნით მისცემოდა შესაძლებლობა თეორიული კურსის საფასური გადავადებოდა ადაპტაციის პროგრამის სტაჟირების დასრულებამდე.

აღნიშნულ საკითხზე ღია კენჭისყრის შედეგად, ერთხმად, იქნა მიღებული გადაწყვეტილება: დაკმაყოფილდეს გურანდა მიქელაძის განცხადება და პროფესიული ადაპტაციის პროგრამის თეორიული კურსის დარჩენილი საფასურის გადახდა გადაუვადდეს პროფესიული ადაპტაციის პროგრამის სტაჟირების დასრულებამდე.

აღმასრულებელი საბჭოს სხდომა გამოცხადდა დასრულებულად.

წინამდებარე აქტი და მასში ასახული გადაწყვეტილებები ძალაში შედის ხელმოწერისთანავე. წინამდებარე აქტი გამოქვეყნდეს სსიპ საქართველოს ადვოკატთა ასოციაციის ოფიციალურ ვებ-გვერდზე, მისამართი: www.gba.ge.

წინამდებარე აქტი და მასში ასახული გადაწყვეტილებები შეიძლება გასაჩივრდეს მისი გამოქვეყნების დღიდან ერთი თვის ვადაში თბილისის საქალაქო სასამართლოში (მისამართი: ქალაქი თბილისი, დავით აღმაშენებლის ხეივანი N64).

დავით ასათიანი

თავმჯდომარე